

北京圖書館 編

北京圖書館藏珍本
年譜叢刊



第124冊

北京圖書館出版社

□ 北京圖書館 編

北京圖書館藏珍本
年譜叢刊

北京圖書館出版社

第 124 冊



道光六年丙戌

十月十九日會同

欽命揚威將軍長公齡

奏為官兵將柯爾坪回庄逆賊剿洗淨盡恭摺奏

聞事竊查柯爾坪地方距阿克蘇城三百餘里南北二

處回庄相去五里回衆約有二千餘户方圓百里

東有和色爾湖南有色靈堯皆通巴爾楚克西南

有大郝紫爾通喀什噶爾西北有小郝紫爾通焉

什在在均關緊要該處回戶久已附逆前經官兵
擊敗之後竄回餘匪俱在該處藏匿臣長齡抵營
後節次差探聞有張格爾續次派來賊匪亦在該
處南北兩庄屯聚亟應先行剿洗將來大兵進剿
始無後顧之虞隨經挑派滿漢馬步官兵及伊犁
民遣共三千六百餘員名派固原提督楊芳率同
將脩等於本月初十日前往剿辦業經
奏明在案茲於十八日戌刻據楊芳馳報十三日帶

兵至和之爾湖距柯爾坪尚有六十餘里稍為憩
息馬力連夜選差密探該匪等並無動靜十四日
亥刻正在發兵西進突據探報東面後路有賊潛
襲隨卽一面整隊一面分遣勁勇巴圖魯副將胡
超協領蘇布通阿防禦額爾古倫守備高玉連徐
國才等帶領馬步官兵回頭迎擊距營十數里紅
柳樹叢撲出賊匪二百餘人迎頭抵距官兵奮勇
殺賊三十餘名生擒葉爾羌活賊托和塔什凡據

供稱張格爾派令安集延賊目至葉爾羌
巴克派遣回子千人赴巴爾楚克阻截大兵來
巴爾楚克將及一月現又移紮皮卡克生底地方
今早探有官兵過去派我們二百人來抄截兵尾
等情現將該犯押禁隨後解送大營餘衆竄林四
散夜半不便跟搜旋即撤隊派留都司孫旺守橋
徐國才屯兵留駐阿色爾湖不動鍋帳堵截後路
卽刻督兵向柯爾坪進發十五日卯刻趕抵賊庄

派胡超帶兵九百名向西攻撲北庄派副護軍叅

領倭靈額帶綠營馬隊由東北抄截正北併力衝

殺派額爾古倫等同三等侍衛吉拉布帶本管馬

隊三百名同甘肅州烏魯木齊步兵一千一百

名由東南抄向正南攻撲南庄分投擊殺提督楊

芳親督涼州兵五百名三等侍衛庫蒙額伊犁協

領蘇普通阿前鋒翼長法福里阿精阿伊犁滿兵

三百名並頭等侍衛阿布都爾滿兩路策應胡超

殊

兵至北庄該犯二千餘衆竟敢突出擊鼓督陣迎敵鎗炮齊發藍翎把總戴如棟把總索文蔣興得藍翎外委景福祿藍翎額外外委李舒芳永安營旂手馬兵閔文王永昌協馬兵胡應泰固原馬兵馬繼儒步兵趙鳴麓鎮海協馬兵聶良田王昇等首先撲入賊羣戳倒執旂賊首數名衆賊擁救閔文玉中矛陣亡趙鳴麓被木棍打傷頭顱倒地李舒芳頭帶刀傷副將胡超下馬持矛身先步戰立

可嘉之至

殊 殊

斃賊匪數人。叅將存桂。遊擊武光琳。李遐齡。都司李萬餘。冉貴。徐福。守備高玉連。范履中。相繼率領官兵民。遣短兵相接。攪殺移時。衆力齊攻。殺賊過半。餘賊始往南庄奔竄。適額爾古倫烏齊拉爾哈丹保。叅將劉允忠。遊擊馬安邦。隆順都司劉明德。守備蔣士容等。帶兵將南庄賊衆千餘人。追來兩路。會合夾擊。鎗箭到處。紛紛倒地。尚剩賊匪千餘。我兵馬步環攻。趕殺十餘里。直至大黑紫爾。卡倫。

殊 殊

殊

以外全行殺盡屍橫遍野生擒活賊七十三名
據供稱所殺賊匪係張格爾派遣賊目伊滿王努
斯若依木托胡坦帶來喀什噶爾賊匪五百名估
據柯爾坪阻截大營將及一月昨日知有兵到連
夜驅逐婦女幼小上山躲匿督令精壯賊匪力敵
又賊目約勒達什自葉爾羌帶來賊匪一千名從
皮卡克生底地方趕來救應甫到卽遇官兵全行
殺斃隨經搜獲婦女五十四名口于賊屍中據獲

賊認出首逆約勒達什伊滿玉努斯若依木托胡
坦五名割取首級呈驗並奪獲烏鎗一百八十六
杆長矛一千一十杆腰刀一百一十二把撒袋一
百三十六付弓四十八張馬一百三十二匹牛二
百八十一隻羊二千四十六隻陣鼓十二面抬炮
二位小炮二位鉛丸火藥五十四包蒙古包一項
新舊帳房五頂所獲賊匪除訊明正法外酌留活
口滿喇胡達拜抵等五名並首逆首級五顆隨後

押送大營驗訊現在搜捕餘賊焚燬房屋趕索辦理清楚卽帶兵回營等情前來臣等查張格爾先派賊目伊滿等帶來喀什噶爾賊匪五百名佔據柯爾坪地方續又派安集延賊目督催傳巴克由葉爾羌糾集賊匪千名前來救應並柯爾坪南北兩庄餘匪通計約有三千餘賊恃險據守屢次前來渾巴什河沿意欲窺伺阿克蘇地方並阻截大兵進剿之路經官兵進剿該匪等竟敢督陣出庄

抵死迎敵當經楊芳分派將脩兩路抄截官兵奮
勇殺賊過半始行潰散復兩路夾擊追殺十餘里
全行殲除擒獲活賊七十餘名未使一名免脫實
在仰賴

聖主洪福將士用命大獲勝仗得將柯爾坪賊藪勦除
淨盡洵足以彰

天威而褫賊魄除俟解到賊目即將前次

諭旨交查玉努斯阿渾伊斯拉木素皮並張格爾弟兄

家室情形研訊明確另行具

奏外此次打仗出力人員臣等分晰開單存記其傷
亡官兵查明咨部辦理謹

奏奉

硃批覽卿等馳奏朕曷勝嘉悅初到軍營卽督率有方
足見

天心助順事機至為順利此皆卿等忠勇素著韜畧嫻熟
兵將一心方能所向克捷已褫逆酋之魄矣卽有恩

旨欽此

十一月十一日軍機大臣字寄奉

上諭長齡等奏官兵將柯爾坪回庄逆賊勦洗淨盡一
招覽奏嘉悅阿克蘇官兵前將渾巴什河南岸賊匪
勦殺淨盡該逆裔復派賊目帶領喀什噶爾葉爾羌
賊匪並糾約柯爾坪南北兩庄從逆餘匪通計三千
餘人恃險拒守並阻截大兵進勦之路該將軍等飭
令楊芳督率官兵前往勦辦該逆匪抵死迎拒經楊

芳分派將備兩路抄截賊勢洶湧副將胡超自先步
戰斃賊數人衆力隨攻殺賊過半餘賊潰竄南庄復
兩路夾擊追殺十餘里直至大郝紫爾卡倫以外將
賊匪全數殲除並無一名免脫生擒活賊七十三名
搜獲婦女五十四名口於賊屍中搜獲賊認出賊目
約勒達什伊滿玉努斯若依木托胡坦五名割取首
級並奪獲鎗矛腰刀撒帶鉛丸火藥及馬牛羊隻無
算長齡楊
初到軍營卽獲勝仗已褫逆酋之魄

此皆該將軍等韜畧嫻熟兵將一心督率有方所向
克捷着賞給長齡四喜玉搬指一個嵌寶石小刀一
把珊瑚豆大荷包一對小荷包兩個楊
玉翎管一個珊瑚豆大荷包一對小荷包兩個楊芳
白玉翎管一個白玉搬指一個大荷包一對小荷包
兩個胡超火鑪一把小刀一把楊芳仍着交部議叙
胡超着賞加總兵銜以示嘉獎其餘打仗出力人員
業經該將軍等存記俟奉^奏到再行加恩傷亡官兵咨